

温州古壁记

温州古甓記叙

昔儀徵阮文達公嘗謂浙中漢晉碑刻甚少獨甓文敗垣牆角間嘗有見者收其志兩浙金石錄漢至五代漢文逾八十種而温州未有著錄者近年嘉善戴教授咸熙著東甌金石志始於瑞安隆山得明因寺宋大觀修塔甓而詒讓別得永嘉臺山淨光塔宋元祐熙寧諸甓并拓目詒之咸箸於錄然未嘗見唐目前甓也光緒己卯秋詒讓侍家大人歸自江甯里居多暇與二三同志若林祈生慶衍周伯龍瓏龍仲琛輩恣意遊覽窮搜古刻偶得梁天監斷甓於邑之東郊輒相與傳觀矜爲剏獲繼又得晉升平宋元嘉諸甓率皆斷裂文字或剝蝕不具第目其舊物有紀年悉收弄之復拓以貽戴君咸謂吾鄉金石之古無逾是者雖殘缺猶寶貴也今年十月家大人以蓋竹先塋封土命詒讓往視工歸皆道過邑之廿四都下灣傭者爲言十餘年前黃氏造冢搯山取土得古塚其甓皆隱然有花紋字畫粲然可辨試登山觀之塚已破壞殆盡零甓滿地檢視其文則晉泰和二年作也拾其完善者數出攜歸以示林周諸君咸驚歎爲得未曾有閱數日復攜工往爲修葺并搜剔遺甓所得甚夥鄉農聞余得甓皆相與聚觀則詫曰是桑桑者何遽珍重若是某村某山破冢堍埋其

甌迺亦皆類此蓋各鄉舊壁出土者甚多樵牧習見之初不知其爲古物也則相率道予往求之短屨長鑣尋訪衆日得晉至梁甌無慮數十種迺知荒埏廣隧間零落者不可勝算惜曩時無過問者村農輒取以楮牀壘竈率多毀滅今之厯存者迺其千百中之一二然所得猶若是蓋亦幸矣旣而鄉人之以古甌來告者日衆輒偕林周諸君訪致之又旁及於它縣咸有所獲儉校其目以視文達所錄兩浙甌文數殆過之其文字多完具可讀因撫刻爲温州古壁記通若干種爲若干卷昔宋劉球洪适馬居易婁機諸人集漢隸蓋多采甌文此記所撫雖多晉以後物其文取足紀年月姓名無它記述然其字畫奇古篆隸咸備異文詭體多與漢魏六朝碑板相合間有古里聚官秩氏族尤足資考證區區陶甌遂爲吾鄉文獻之徵是誠不可以無述也至於隊文甌壁日出不窮後之所獲當復倍蓰於是將隨時續增之焉庚辰十二月瑞安孫詒讓書於百晉精廬

溫州古甓記

瑞安孫詒讓撰

晉

陳卓人甓文

太康二年正月十六日卜造壽壙陳卓人

右壙厚一寸八分廣六寸中斷長不可計右側文曰太康二年正月十六卜造壽

壙陳卓人凡十六字並正書光緒壬午五月得於瑞安二十七都陶山案晉武帝

以咸寧六年庚子三月平吳改元太康其二年歲在辛丑此甓作於正月距平吳

不及一年也甓文云卜造壽壙準案東甌金石志壙下有陳卓人凡今猶有此語

後漢書光武紀建武二十六年初作壽陵李賢注云初作陵未有名故號壽陵蓋

取久長之義也又趙岐傳云岐先自爲壽藏圖季孔子產晏嬰叔向四像居賓位

又自畫其像居主位皆爲讚頌注云壽藏謂冢壙也是漢皆已有壽陵壽藏之稱

晉書姚興載記亦曰西湖梁國兒於平涼作壽冢冢壙義同陳卓人卽造壽壙者

之姓名蓋吳遺民之入晉者人下諦案而尙有字畫漫漶者不可辨

大康輒文大康四年八月卅日 附一種

大康四年八月立功

八月卅日口

右塼二種一厚二寸二分長一尺五寸五分廣六寸右側文曰大康四年八月立功凡八字一斜輒右側厚一寸七分左側厚一寸二分長一尺五寸七分廣六寸七分左側文曰八月卅日口凡五字末一字缺泐不可辨竝八分書光緒辛巳二月得於永嘉西門外西山廢冢中案諸史以太康紀年者惟遼道宗其四年當宋神宗元豐元年永嘉非其正朔所及惟晉武帝太康四年歲在癸卯永嘉在其眚爲臨海郡永寧縣治此輒蓋卽其時所作經典太字古多通用大阮文達兩浙金石志載張燕昌所得太康四年塼太字亦作大與此輒正同其云立功者蓋謂營造墓域建立功程宋潛說友咸淳臨安志冢墓門載於潛縣東十二里趙墓得陶輒二有咸和二年九月參軍趙悌建立冢功馮登府浙江輒錄載海鹽所出永嘉塼文云永嘉元年七月廿日立功余所得古輒拓本有云永寧二年太歲在壬戌七月卅日立功君姓孟者並與此塼可互證通鑑目錄載太康四年八月戊辰朔

其月大建此第二甃云八月卅日□亦與長曆合第一甃右側各爲四方匡每一方匡內各爲蟠螭及四出泉文相間極精致題字在右側第三方匡內分兩行書之浙江塲錄載臨海洪氏所藏永熙二年周氏作塲文亦分二行書之與此略同字大不及六分第二塲左側上半爲華紋下半五字與華紋相間書之並古甃所罕觀也

永康甃文

永康元年太歲在庚申九月八日□□□□

右塲厚二寸四分長一尺六寸四分廣六寸七分右側文曰永康元年太歲在庚申九月八日□□□□凡十七字並八分反書末四字漫滅不可辨光緒庚辰十一月得於瑞安西門內西崑山陽案諸史以永康紀元者凡五漢帝永康元年歲在丁未後慕容寶□□乞伏熾□柔然予成並非其正朔所及且其元年亦並不直庚申惟晉惠帝永康十年正月改元永康其年正直庚申與此甃合甃文在右側及兩端並有華紋極工致蓋晉甃之最精者

大安殘甃文

大安二年八月十九

右殘塼厚二寸五分廣五寸五分下半斷失長不可計右側存文曰大安二年八月十九凡八字並八分書樂清鄭夢白茂才所得久以贈予攷諸史以大安紀元者凡三遼道中金衛王夏秉常此非其正朔所及惟晉惠帝曰永寧二年十二月改元大安其年歲在壬戌此大安蓋卽太安之異文猶前太康塼文作大康也又魏高宗前秦符丕後涼呂光大理段思廉柔然那蓋並有大安紀元此亦非其正朔所及

永嘉甌文

永嘉元年九月十

右塼厚二寸廣五寸中斷長不可計文曰永嘉元年九月十凡七字並八分反書庚辰十二月得於瑞安東門外隆山案晉懷帝以光熙元年丙寅十一月卽位次年正月改永嘉其年歲在丁卯後漢書冲帝紀亦有永嘉紀元實爲永熹之誤見本書左雄傳及史繩祖學參佑畢引漢永熹元年公乘校官椽王幽題名此甌在上端九月十下文例當有日字以甌盡不能容字而止非有缺文也

改之甌文

大興三年七月廿日立功作龔改之

右斜軛右側厚二寸二分左側厚一寸二分長一尺七寸八分廣六寸八分左側文曰大興三年七月廿日立功作龔改之凡十四字並八分書庚辰十一月得於

瑞安十二都焦石丁家山案晉元帝建武二年戊寅三月卽皇帝位改元太興北燕

馮宏亦有大興紀元此非其正朔所及其三年歲在庚辰此軛出於廢冢中文極秀整說文舛部興

起也从舛从同同方也此作興者隸體譌變與六書殊不合後興寧三年殘軛及

翟云升隸篇續載建興軛文興字並同蓋晉時流俗相承多如此作矣作下一字

爲龔尤奇詭罕覩以形聲求之蓋卽璧之變體馮氏浙江軛錄湖州陳氏所藏吳

鳳皇軛文云鳳皇元年施氏作璧與此軛可互證改之蓋作璧者之名

咸和元年殘軛文

咸和元年八

右墻厚□寸□分廣□寸□分下半斷失長不可計右側存文曰咸和元年八凡

五字並八分反書瑞安典史江寧李濱得於西崑山案晉成帝以太寧三年乙酉

閏月卽位明年二月改元咸和此軛八月作距改元僅六月也

咸和三年軛文

咸和三年太歲亥丁未七月廿日就切

右輒厚二寸一分長一尺五寸七分廣六寸二分右側文曰咸和三年太歲亥丁未七月廿日就切凡十五字並八分反書辛巳二月得於永嘉東門內華蓋山案咸和三年歲在戊子此輒文太歲亥既差一年下又著丁未二字於文尤不可通然字畫完備絕無模黏不案作範時何以略不檢覈迺有此譌舛重沓也輒末云就切者切蓋功字之誤後永和四年孝子輒文永和十一年輒文並有就功之語可據彼以校此也其就字作𨾏者說文京部云就高也從京從尤尤異於凡也此變尤爲尢宋劉球隸韻四十九宥載漢江源長進德碣就字作𨾏王君石路碑作就婁機漢隸字源四十九宥載漢武梁碑作就高頤碑作就顧藹吉隸辨四十九宥載漢造橋碑作就魯峻碑作就翟氏隸篇京部載漢祀三公山碑作就並與此同此碑文字疏率出輒壇工匠之手未經文士察校故譌文疊見然如就之作𨾏獨與兩京碑版符合蓋其時去古未遠雖鄉曲俗書亦尙有分隸遺渠固非北碑詭別字體馮肌變撰者所可同日語矣

咸和四年八月章根作

右甄厚二寸二分廣五寸八分中斷長不可計文曰咸和四年八月章根作凡九字並八分反書庚辰十一月得於瑞安西門內西崑山嶺案咸和四年歲在己丑章根蓋人姓名鄧名世古今姓氏書辨證十陽引元和姓纂云章氏出自姜姓齊太公支孫封國爲障子孫去邑爲章氏有南郡吳興二望此永樂大典本姓纂據此條文缺佚不完此甄及後升平二年甄別種章洋姓名則晉時永熹章氏殊繁盛矣根字從刈從艮蓋卽恨字漢晉隸碑从心字多從篆作𠂔或變作刈作𠂔此作刈又其變體惟全甄文悉反書惟此根字左形右聲又是正書獨爲殊異然甄文反正任意殊無定例如宋洪适隸續載漢永初七年官塹文二種並通體正書惟一七字反書一官字反書浙江正是書兩漢三國甄文已有此體今所見晉宋諸璧此類尤衆殆未可以範金刻石之常例繩之也

咸和六年甄文

咸和六年九月廿八日

右甄厚二寸四分長一尺七寸二分廣六寸右側文曰咸和六年九月廿八日凡

九字並反書辛巳三月得於瑞安十一都東山舒歎臺山咸和六年歲在辛卯

咸康三年磚文

咸康三年歲在丁酉八月十四造

右甃厚二寸四分長一尺五寸廣五寸二分文曰咸康三年歲在丁酉八月十四

日造凡十四字並八分反書庚辰十一月得於瑞安西門內西崑山陽案晉成帝

咸和九年乙未正月改元咸康

前蜀王衍亦有咸康紀元此非其正朔所及

甃文在右側其左側爲華

紋間以兩出大泉文徑漢尺二寸許一橫書五十二字然一橫直各書五十二字

並篆書形制似放新莽大泉然莽泉大徑寸二分無逾二寸者又其文並云大泉

五十無厪作五十二字及以五十二字橫直互書者此甃與彼殊不合蓋工匠作

範時任意圖畫不必有所放也

咸康六年甃文

咸康六年太歲在庚子八月十日作

右斜甃右側厚一寸九分左側一寸二分長一尺八寸八分廣五寸八分右側文

曰咸康六年大歲在庚子八月十日作凡十四字並八分反書辛巳二月得於永

嘉東門內華蓋山此甌與前咸和三年甌同處出土隸勢絕瘦勁惜所得多斷裂
合數甌拓按始得其全文也

翁氏甌文二種又附三種

建元元年八月廿四日翁氏

建元元年太歲在癸卯八月廿四日□□

翁氏

陳氏

右甌四種一厚二寸二分長一尺六寸廣六寸文曰建元元年八月廿四日翁氏
凡十四字並八分反書一厚二寸四分長一尺六寸廣六寸文曰建元元年太歲
在癸卯八月廿四日□□凡十六字亦並八分反書末二字漫滅不可辨一斜甌
右側厚二寸二分左側厚一寸二分長一尺六寸廣六寸右側文曰翁氏二字一
厚二寸二分長一尺六寸廣六寸文曰陳氏二字篆書反寫庚辰十月同得於瑞
安廿四都蘆浦獅子山路側棄冢中按諸史以建元紀年者凡六漢武帝建元元
年歲在辛丑齊高帝建元元年歲己未北漢劉聰前秦苻堅梁新羅法興王並非

其正朔所及其元年亦竝不直癸卯惟晉康帝以咸康八年壬寅六月卽位明年正月改元建元其年正直癸卯與此第二甄合翁姓見於史者漢有翁伯見史記貨殖傳魏晉六朝時此姓絕少據此時則晉時永嘉固有此姓矣第四甄爲華紋各畫方匡界之以篆書陳氏二字分厠於華紋之間其陳字偏旁變自爲目則又略參隸體民字上半與民字頗相類然左邊曲筆斜上而更無橫筆則又與民字小異古壁文中此字甚多以文義審之蓋皆氏之變體後升平二年魯氏甄氏字呂佺孫所得泰和六年黃民甄其民字作氏與此氏字正同黃民亦當作黃氏翟氏蓋誤釋後永和十年及永和十一年升平元年升平三年別種四甄並有此二字華紋亦大略相似泰和四年甄左側亦有篆書陳甄二字華紋於此數塲亦同此冢旣屬翁氏不應復有陳姓疑陳氏爲彼時造甄名匠故所作甄如此之多猶兩浙金石志載太康三年甄二種及阮文達於揚州濬河所得吳甄並有

蜀師字也

孝子甄文二種

永和四年大歲在戊申八月十八日彪功 孝子

在戊申八月十八日就功

右輒二種一厚二寸二分長一尺六寸三分廣六寸四分右側文曰永和四年大歲在戊申八月十八日勲功凡十四字左側文曰孝子凡二字並八分反書一斜輒右側厚二寸一分左側厚一寸二分廣六寸一分中斷長不可計右側存文曰在戊申八月十八日就功凡十字亦八分反書辛巳二月同得於永嘉東門內華蓋山廢冢中案諸史以永和紀元者凡五漢順帝永和四年歲在己卯後秦姚泓北涼沮渠牧犍閩王延鈞並非其正朔所及惟晉穆帝以建元二年甲辰九月卽位明年乙巳正月改元永和其四年正直戊申與此輒合戊字作𠂔者隸篇續載晉大歲甲戌輒戌字作𠂔此戌字反書作𠂔與彼正相類蓋以篆書𠂔字就其屈曲之勢變爲方整則成戌形摹效失其本意乃類任字或讀至任申以爲壬借任爲之然永和四年太歲正直戊申非壬申也就功就字非勲與前咸和三年輒文同就功者蓋謂建造冢域功役成就猶它輒云立功也輒左側爲華紋華紋之間別爲孝子二字蓋建冢者自稱案禮記雜記祭稱孝子孝孫喪稱哀子哀孫則孝子爲除喪後之稱然隸釋漢武梁景君兩碑並有孝子之稱攷其樹碑年月並未及除喪之期余所得晉宋諸冢甃或稱哀子某作或稱孝子某作亦殊無定例蓋

習俗沿襲固不能遠徵經義矣

宋民甄文

永和五年八月廿四宋民

右甄厚二寸二分長一尺六寸六分廣五寸七分右側文曰永和五年八月廿日宋民凡十字並反書惟末一字正書辛巳三月得於瑞安西門內西崑山嶺永和五年歲在己酉甄文年字作羣形殊奇詭古金石文字作未見宋民疑亦宋氏之變體然此甄民字筆畫完具與它甄氏字作民者又小異今姑釋爲民字而附識其疑於此

永和七年甄文

永和七年歲在辛亥

右甄厚二寸三分長一尺五寸廣六寸三分文曰永和七年歲在辛亥凡八字庚辰十一月得於瑞安西門內西崑山麓案漢永和止六年惟晉永和有七年其年正直辛亥與此甄合文在右側每字悉以橫格界之馮氏浙江甄錄載吳鳳皇元年甄氏范正與此同

永和九年甄文

永和九年八月一日成也

右甄厚二寸二分長一尺五寸四分廣六寸五分右側文曰永和九年八月一日成也凡十字並八分書辛巳二月得於永嘉東門內華蓋山案永和九年歲在癸丑甄文簡略罕用助語惟此塲及浙江甄錄所載周行思塲文云建興四年八月十五日周行思造作也並以也字綴尾亦古甝所罕見甄左側及上下兩端並有華紋右側華紋內爲四出文泉二弟二泉輪郭左右有篆書五五二字洪遵泉志奇品門引梁顧烜泉譜載雙五泉與此正相似彼泉顧洪並不詳其時代據此甄文則晉時已有此製矣

孝子徐弘甄文二種

和永九年 孝子徐弘

右甄厚二寸長一尺五寸五分廣五寸五分右側文曰和永九年左側文曰孝子徐弘各四字辛巳五月得於瑞安東門外隆山案諸史無和永紀元當是永和之誤作範時偶愼倒書耳徐弘亦作甝者姓名兩側各爲四匡每匡一字左側字間

又多爲直畫連綴交錯莫詳其例也又一種厚二寸長一尺五寸五分廣五寸七分兩側文及形製並爲前甗同惟左側字間不爲直畫蓋與彼異範壬午肆月得於瑞安東門外栖隱寺後山疑當皆達冢不止一處矣

陳氏甗文附一種

永和十年八月廿二日作 隳氏

平

右甗二種一厚二寸一分長一尺七寸廣六寸二分右側文曰永和十年八月廿二日作凡十字並八分反書一斜塼右側厚二寸二分左側厚一寸二分廣五寸七分下半斷失長不可計上端有一平字庚辰十一月同得於瑞安西門內西崑山嶺廢冢中案永和十年歲在甲寅甗上下端並爲華紋字在其間其左側篆書陳氏二字分厠於華紋之間與前建元元年翁氏甗別種文並同

永和□年殘塼文

永和□年八

右甗厚二寸廣六寸一分下半斷失長不可計右側存文曰永和□年八凡四字